

www.BibleForChildren.org

Matayo 8




Lichoba Iya tatu pakiba ngongano jukutola kukilambo cha Kana, okwo ku Galilaya. Amamundu Yesu bakiba kweno, jwombe Yesu ate kokigwa penia pa mpapala gwa kutola akege pamwe na akinapunji bakwe.



Apajapeta divai, amamundu, ngabannenge Yesu,
“Bakwetangitije divai.” Penia amamundu ngabalengela
akapakachi, “Chachoa chela
achapakunengela ntendange.”



Yesu ngabalengela, “Ntweleyange mache mweno muibega.” Ngabatweleya twe mpaka kunani. Kubokapenia ngabalengela, “Ngoe ntekange mapelekele akilongochi ba mpapala.”



Ngabatekanga mache gala, Akilongoi ba mpapala
apabapaya mache gala, ngaba manya genia gayokite
divai, Bombe bamanyije
divai jene jibokitako,
nambu akapakachi bala
bamanyangite jibokitako.



Akilingoi ba mpapala ngabakema bene akola mpapala, Akilingoi ba mpapala ngabalengela, “Kila mundu kutumbula kupangania oti divai jambone, kubokapenia anda batochike kupanga divai jambone. Nambu mwe mpangite divai jambone mpaka ngoe!”



Yesu alaya iingi yi ikobo yu kutumbula okwo kukilambo cha Kana, Ku Galilaya, ngalaya kibumo chakwe, na akinapunji bakwe ngabanhwamini.



Yesu ngaika kachakwe Petulo, ngabakolela akimundu akege Petulo bagolilwike pikindanda, atamwe.



Yesu ngabakamu luboko amama benia kitamwe
ngachaboka ngabajema na kabegelela.



Kimuyo bandu ngabannete Yesu akatamwe ndu bina michepela. Bandu ndu bi kilambo chenye ngabaikanga pulubanja lwa nyumba jenye.



Yesu ngabalamiyanga bandu ajingi abakiba na itamwe, ngajibenga michepela mijingi, na ngajikanalila kulongela michepela jenie, magambu jamanyi jwenio nga meneke.



Bandu boa ngabapala kunkunyula, makakala ngagammoka na kalamianza boa.



Bandu akancheche ngabaika bampotwi mundu
ojwapolite mmele gwoa ngabanneta kwa Yesu.



Kwa magambu ga bandu ajingi,
baotwije kumpeleka unyumba mwakiba
Yesu, penia ngabapojo
pikinyanga kipola na Yesu,
ngabanhuluya mundu
jwenio bang'onike
pilikai.



Yesu apaibona imani yabe, ngannenge mundu jwenio,
ojwapolite, “Manango,
mabaja ginu galekekiigwe.”


“Na nnenge, nnyeme,
ntole likai linu
nnyabu kachinu!”



Yesu ngaombe muntumbwi na akinapunji bakwe ngabankengama. Kingobu ucho kimbonga kikolongwa ngikipitila mulilaba na mawimbi ngaga tumbu kuwekela ntumbwi. Nambu Yesu akiba agochi lugono.



Yesu ngabalenge, “Mangweto mmi na imani njoko mboni mmi na mbwele?” Ngajinuka ngakikalapila kimbonga na mawimbi, ngukube jee. Bandu boa ngabaomongwa, ngabalenga, “Ojo mundu nike? Ata upepo na mawimbi gatenda nnyoa!”



Magambu Nnoongo atekupapala
padunia pano muno ata ngammoya
Mwana jwakwe jwajika, ibe kila
mundu ojwapakunhwamini
akaweje nambu apate
bwomi gwa machoba
goa pangapela.



Akaloma 3:23

bandu boa balemwite na babi kutaali na kibumo cha
Nnoongo.

Akaloma 6:23

Kwa magambu lipungu lya mabaja nga kiu, nambu hupo
ejapanga Nnoongo nga bwomi gwa machoba goa
pangapela kukulondana na Yesu Kilisto, Angwana bito.

Akaebulania 9:27

Kila mundu kuwe pakamwe tu, nu kujema nnongi ja
hukumu ja Nnoongo,



Akaefeso 2:8,9

Magambu, kwa gwambone gwa Nnoongo nkomboligwe kwa ndela ja imani. Kile chenye ngiti magambu ga kachana kwinuje, nambu hupo ya Nnoongo. Ngiti kiboke muitendwa yinuje, mundu akalokelokeje kilebe.

Akaloma 10:9,10 Anda nnyeketile kwa kano jinu kube Yesu nga Angwana nu kuamini kumwojo gwину kube Nnoongo nganhyoya kuboka kwa abawile, mankomboka. Magambu umwojo mundu kuamini mpaka kujeketeligwa kube jwambone nnongi ja Nnoongo, na kwa kano mundu kujeketela mpaka koligwa.



Yohana 3:16,17

Magambu Nnoongo atekupapala padunia pano muno ata ngammoya Mwana jwakwe jwajika, ibe kila mundu ojwapakunhwamini akaweje nambu apate bwomi gwa machoba goa pangapela. Magambu Nnoongo antumitije Mwana padunia pano kahukumu bandu, nambu kakombolanga.

1 Yohana 5:11-13

Nuchaili gwene nga gongo, Nnoongo ngatupe bwomi gwa machoba goa pangapela, bwomi gwenio uboka ka Angwana. Mundu jwajoa ojwanhwamini Mwana jwa Nnoongo akweti bwomi gwenio, jwanganhwamini, akwetije bwomi. Nunhwandikilanga mangweto manhwamini ku lina Iya Mwana jwa Nnoongo mmanyange kutenda nkwati bwomi gwa machoba goa pangapela.



Matayo 8-9; Maluko 1-2, 4; Luka 4, 8; Yohana 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Ngindo NT (nnq) © The Word For The World, 2015.

<https://www.bible.com/bible/1674/MAT.1.NNQNT>

©2026 Bible for Children, Inc.

www.M1914.org

www.bibleforchildren.org

